

東鹿五志合集

冀州胡永旺
發題



嘉慶東鹿縣志卷首

序

官吏之治民也不在著述而著述之有關治蹟者亦官吏所不可不講如郡志縣志之爲書原倣周禮春官小史掌邦國之志外史掌四方之志及地官太司徒立土訓以詔地事立誦訓以道方志之例以故版圖隸乎域中卽遐陬僻壤寒煖燥濕不同候廣谷大川不同形民生其間者剛柔遲速之異齊五味之異和器械之異制衣服之異宜莫不有志矧夫籍附神京首沐王化者乎東鹿保定屬邑距畿南五百餘里其志不自今昉但莫爲之前美固弗彰而莫爲之後盛亦弗傳余膺簡命按視直省察課吏最亦時留心於此適東鹿令李君符清稟稱鹿之縣志年遠缺略恐日就磨滅文獻無徵願捐貲重修余嘉其請亟爲許可並屬其志以傳信非以傳疑須查核精實無遺而亦無濫令果敏於趨事春仲延宿儒彙纂秋杪書卽告竣繕稿賚覽兼請製序余細加叅閱見其類分十門帙共十卷或因舊文以正訛謬或增新得以拓見聞俾東鹿一邑遠襲漢唐之遺蹟近霑盛世之恩

膏者靡不綱舉目張瞭如指掌焉傳云太上立德其次立功其次立言是志之作也謂非立言之例與且其間表揚善行搜索嫻政殊足爲闡幽芳敦風化正人心勵官方之一助則立德立功又將基於此矣雖紳衿之襄贊不一而倡其議董其成則令之力居多余故謹即其編次之顛末撰言以弁諸首自茲以往凡宰是邑者倘能按圖敷治於地里則經界必期其正於河道則泛濫必立其防諸所建置有修舉而無廢壞一切糧畝循成憲而勿混淆振興學校務實踐黜虛文追念職官法清廉戒貪墨選舉以公明培其本人物以忠孝樹之型風土一趨乎節儉藝文永尙乎真純舉十志之所載一一循名責實悉仰答聖天子度地居民隨時布化之深心是則余序斯志之志也夫而李君重修斯志之意將毋同

昔嘉慶三年歲次戊午嘉平月既望穀旦特授直隸等處提刑按察使司按察使統轄全省驛傳事務全保撰

我國家久道化成重熙累洽郁郁彬彬之盛海內皆然况畿輔近邑得其人而倡導之人

心厚風俗淳政治文章蔚然不變尤足以信今而傳後哉東鹿隸保郡之南鄙攷其壤界即禹貢大陸以東九河以西舊地漳水環其南而潯水潨於左地勢平衍人情質樸蓋其風近古也東鹿令李君志行甚古而文義甚高其宰是邑也興利除弊歲舉月修凡吏治之有益于民者無不勤加採擇因念舊志之久而不修也捐俸鳩工衆爲之繼延訪博聞績學之士考獻徵文窮幽索隱其言核其事真別類分門釐然各當而于地理河渠之源委學校人物之忠義宏綱巨目尤爲纖細不遺余既嘉其書之成而李君即以序爲請夫志者記也其名見於周禮後之作志者因之春官小史掌邦國之志即後世郡志之所由昉也外史掌四方之志即後世縣志之所由昉也遷史之紀事也有書無志班史之紀事也有志無書江淹亦謂作史之難莫難于志夫其所謂難者何也蓋徵詞不信易失之誣援引不純易失之雜或略于本而詳於末或泥於古而昧于今皆非志之善者也茲觀李君於書院義倉民俗士行彰善癉惡諸大務細心搜括原本舊章不敢炫異以矜奇不欲誇多而鬪靡訂其訛存其是芟繁就簡稱善志焉余因思天下有人心而後有風俗有教

化而後有人心教化之源操之自上上得其道則下順民心是以不介而孚不勞而理一時地無遺利民無餘力各從事于田畝盡心於忠孝行其途則野有讓畔之氓入其郊則戶多詩書之氣遠近傳爲盛事父老播爲美談一邑如此羣邑如此羣邑效之天下蒸蒸爭趨于治以此嘆父母斯民者之爲功甚鉅也余膺簡命觀風保陽各郡日懷此意以採訪屬邑之善否已非一日今見李君所修之志欣然慰民物之怙熙而幸此邦之可與有成并樂爲四方諸君子告也是爲序

時嘉慶四年歲次己未八月旣望穀旦分巡直隸清河道陞任福建等處提刑察使司按察使統轄全省驛傳事瞻柱撰

志者史之一體也周禮小史掌邦國之志注謂若周志願書之類卽國史一統志也外史掌四方之志注謂若魯之春秋晉之乘楚之檮杌卽通志郡縣志也邦國之志歷代有之而州縣志則宋以前無聞若唐十道志元和志皆統天下言之非專志一州一邑也自宋長安臨安諸志作以後而吳郡建康府有專志矣合肥無爲州縣有專志矣蓋志者記也

所以示不忘也州縣雖志一隅然積之則爲通志又積之則爲一統志故未可聽其闕略焉東鹿舊志沒於漳沱其存者有前令劉君崑李君文耀二本余自戊申歲承乏茲土去李君之修者已三十餘載比甲寅再至又逾數年我國家厚澤深仁畿輔之被化尤渥不惟人材輩出忠孝相望卽如潯水南徙邑城易輒皆宜詳載况余兩任八年於疆域財賦風土人物悉之尤稔更不敢不亟爲採輯以信今而傳後也適裴宿塘農部讀禮保陽來爲南池堂長而沈秋雯太史亦以請假故道過鹿巖因相與商確共襄斯舉於春仲開局八閱月而告竣卽爲十門舊志之缺者補之訛者正之凡未經採者以次編入於地理河道以及祠宇之廢興學校之典禮下至昆蟲草木之微皆博徵載籍溯委窮根似非專志一縣者所應有然李敏達公通志陸清獻公靈壽志已肇其端拓而充之或可以備稽古者之參考若準出賦則絲毫必謹志人物則寸善必書職官選舉悉本舊志續增藝文則嚴爲選擇各門中條分縷晰一以導揚聖朝涵育滋液之德視前二志有不相侔者矣且志卽縣之史非特文獻所存亦司牧者之圭臬也出宰一邑而山川道里因革損益茫然

不知譬欲濟渡而不問舟楫俛俛乎靡所適從將何以順俗成化臻於上理耶是書成而後之心殷民瘼者展卷瞭然知所藉手則余與裴沈二君編輯之功不無小補云爾
嘉慶三年歲次戊午秋九月上浣誥授奉政大夫知束縣鹿事合浦李符清仲節甫撰

修志姓氏

監定

太子少保

兵部尚書兼都察院右都御史總督直隸等處兼管河道提督軍務糧餉紫荊密雲等關隘兼管巡撫事

胡季堂

河南光山人廕生

陞任河南巡撫直隸等處承宣布政使司布政使吳熊光

江蘇昭文籍安徽休寧人戊子舉人

直隸等處承宣布政使司布政使顏檢

廣東連平州人丁酉拔貢

陞任山東布政使司布政使直隸等處提刑按察使司按察使全保

蒙古鑲黃旗人全保員

直隸等處提刑按察使司按察使統轄全省驛傳事務同興

滿洲鑲黃旗人

陞任福建提刑按察使司按察使分巡清河道瞻柱

滿洲正紅旗人監生

分巡清河道轄保定正定等處加按察使銜喬人傑

山西徐溝人乙酉舉人

保定府知府傅修

廣東海陽人壬午舉人

纂修

翰

林

院

編

修沈樂善

直隸天津人乙卯進士

戶部江西司主

事裴顯相

直隸清苑人已酉

束鹿縣

知

縣李符清

廣東合浦人丁酉

同修

署束鹿縣知縣前翰林院庶吉士任銜蕙

江蘇蕭縣人丁未

原任山西太原府同知加知府銜張鍾秀

邑人壬申舉人

分修

原任山西澤州府沁水縣知縣周璩

邑人辛卯舉人

良鄉縣

訓

導尙冠軍

邑人癸卯舉人

己酉科

舉

人馬仁

邑人

壬子科

舉

人楊天敘

邑人

壬子科

榜

貢

生耿樹模

邑人

協輯

東

鹿

縣

縣

丞周長泰

江蘇鎮洋人監生

東

鹿

縣

教

諭盧仁吉

葉城人甲午舉人

東

鹿

縣

訓

導翟文炳

撫寧人丙午舉人

東

鹿

縣

典

史裘成濬

江西新建人議叙

督刊

候

選

衛

守

備張嗣房

邑

人

採訪

戊

午

科

舉

人孫玉瓚

邑

人

候

選

教

諭張芝

邑

人

附

貢

生曹秀文

邑

人

廩

膳

生馮增

邑

人

生

員馮坦

邑

人

生

員馮堯邑

人

生

員楊鐸邑

人

生

員李家鏞邑

人

生

員裴兆熊邑

人

校對

生

員邱人麟廣東合浦

人

監

生梁高崑廣東合浦

人

生

員郝士良邑

人

捐梓

候

選

道李思明邑

人

候

選

知

府李驥龍邑

人

候

選

衛

守

備王元凱邑

人

貢	貢	候	候	候	候	候	候	候	候
								選	選
								布	布
								政	政
								司	司
								理	理
生	生	總	總	總	總	同	同	問	歷
賈正心	馮相如	任凌閣	溫作桂	尚廷瑛	孫修武	王紹勳	尚廷瑾	馮檢修	賀世德
邑	邑	邑	邑	邑	邑	邑	邑	邑	邑
人	人	人	人	人	人	人	人	人	人

嘉慶束鹿縣志目錄

卷一

地理志

卷二

河道志

卷三

建置志

卷四

田賦志

卷五

學校志

卷六

職官志

卷七

選舉志

卷八

人物志

卷九

風土志

卷十

藝文志

嘉慶束鹿縣志卷一

翰林院編修沈樂善

戶部主事裴顯相 全輯

束鹿縣知縣李符清

地理

周禮鄉遂之長各以其城洫山川溝樹之數貢諸天府由是土訓掌之職方掌之大司徒掌之匪特覽形勢測廣輪而占驗之休咎損益之得失人民豐嗇之數胥見於此鹿邑背上谷控中都遠接滏漳近扼漳水三輔間號稱沃邑惟在循其實而謹書之庶後之官斯土者愛民之心可以知所用也志地理

星野

束鹿一邑也言星野則廓第下有分野則上有宿度蓋一邑亦未始不在星野之中也考周禮保章氏以星土辨九州之地所封之域皆有分星以觀妖祥注曰大界則曰九州州

中諸國之封域於星亦有分焉其書亡矣堪輿雖有郡國所入度非古數也今其存可言者十二次之分也夫曰諸國之封域於星亦有分則今之一邑誠不爲小而惜乎其書之既軼也又疏云按春秋緯文耀鉤云布度定紀分州繫象是以星野之由來遠矣迨後七國時善星者甘德石申更配十二分野故有周秦齊楚韓趙魏宋魯鄭吳越等圖張衡蔡邕又以漢郡配焉唐貞觀中李淳風撰法象志又以唐之州縣配焉至開元初沙門一行又增損其書然則漢止以郡配之而唐則以州與縣並配之矣而謂一縣之可遺夫星野哉按東鹿隸保定府保定在天文屬尾箕兼昴畢而縣在府南二百四十里與冀深趙鄰則全乎昴畢矣其在月令章句曰自胃一度至畢六度謂之大梁之次清明穀雨居之趙之分野皇甫謐則云自胃七度至畢十一度爲大梁之次其說固不合而星則同其在春秋左傳疏釋例曰西陸昴也杜以西陸爲三月日在大梁之次清明節穀雨中三統書云大梁之初日在胃七度爲清明節在昴八度爲穀雨中終於畢十一度是夏之三月日在昴畢其在春秋元命苞曰昴畢間爲天街散爲冀州分爲趙國史記天官書曰昴畢冀州